



Universitätsbibliothek Paderborn

Instructio practica ...

De Sacerdotii Origine & Præstantia - Variis item Industriis, & Praxibus, quibus Sacerdotes boni ad Dei gloriam suámque & Proximi salutem promovendam sunt usi ; Malorum Qvoque Sacerdotum infelici interitu, radicibus, & remediis Cui etiam Compendium Ritualis, ea, quæ pro commodiori Sacramentorum & ...

Lohner, Tobias

Dilingæ, 1681

Præfatio Ad Lectorem.

[urn:nbn:de:hbz:466:1-48600](https://nbn-resolving.org/urn:nbn:de:hbz:466:1-48600)

PRÆFATIO
AD
LECTOREM.

Dum altissimam Sacerdotalis statûs dignitatem, & præclaras, quæ ab eodem offeruntur, tum ad DEI, Christique gloriam, tum ad suam aliorumque salutem promovendam occasiones ex una parte mecum perpendo; ex altera verò parte, quam pauci has occasiones, ut æquum foret, arripiant, atque adeò inexplicabili Vocationis Beneficio respondeant, accuratius considero, equidem non immeritò cum Christo exclamare posse videor: Multi vocati, pauci verò electi. Id quod jam olim etiam Origines lib. 6. in levit. sensit, dum dixit: Aliud arbitror esse in Sacerdotibus officio fungi, aliud esse instructum & ornatum: quisque enim potest Solemni Ministerio fungi ad populum; pauci tamen sunt, qui ornati moribus, instructi doctrinâ, sapientiâ eruditi, ad manifestandam rei veritatem sint idonei, & qui scientiam fidei non sine ornamento sensuum, & assertionum fulgore depromant. Quod aureæ laminæ capiti impostæ designat ornatus. Unum igitur Sacerdotis nomen, sed non una vel pro vitæ meritò, vel pro animæ virtutibus dignitas. Dum verò & causam, atque radicem hujus socordie indago, non aliam sanè inuenio, quàm quòd beneficium sue vocationis, & Sacerdotalis statûs dignitatem atque præstantiam non satis aestimare; nec aliorum bonorum Sacerdotum præclara Exempla considerantes, iisdem ad laudabilem imitationem se accendere studeant; hæc namque duo media præcipuè efficacia esse ad viam perfectionis & sanctitatis festino

Præfatio

festino pede decurrendam, jam olim Sponsa Cant. c. 1. indicavit, dicens: Trahe me (quibus verbis grande desiderium sequendi Sponsam innuit) post te curremus in odorem unguentorum tuorum, quibus verbis causam tanti desiderii significavit, quod scilicet exemplum sui Sponsi, id est, præclaras dotes ac virtutes considerans, eorundem odore perinde ad imitationem incitata sit, quemadmodum columba ab alia columba balsamo inuncta per odorem ad sequelam trahi solent. Atque hæc videlicet præcipua causa fuit, cur post alias Instructiones practicas in Sacerdotum utilitatem compositas, typoque commissas, etiam hanc non minus, ut spero, utilem futuram componere decreverim, ut, videlicet quemadmodum hæctenus eorum Intellectum potissimum illuminare conatus sum, ut, quid faciendum sit, intelligant, ita hæc Instructione voluntatem quoque accendere studeam, ut, qua facienda esse per Intellectum cognoverunt serio, efficaciterque exequi velit. Ne tamen, dum nostræ Societatis exempla crebrius afferro, offendi quis forsitan possit, sciat, amicus Lector, id non ideo me fecisse, quod præstantiora hæc exempla ideoque præferenda aliis judicaverim, sed quod planè aliorum Sacerdotum aut Religiosorum vitas aut historias ad manus non habuerim; unde quando talia exempla retulero, authores eorum non ut Religiosi Societatis JESU, sed ut Sacerdotes considerandi sunt, sic enim non minus eorum, quàm aliorum Sacerdotum exempla sufficientia erunt ad imitationis desiderium excitandum.

Quare in tres partes hæc Instructio dividetur, quarum prima de Origine & præstantia Sacerdotii tractabit, in qua ipsi etiam ritus in collatione Ordinum adhiberi soliti ex Romano Pontificali afferentur, ut eorundem Ordinum

Can-

Adlectorem.

Candidati, qui ad manus Pontificalia talia non habent, prius eosdem relegere, atque addeò ad illos cum majori decentia & reverentia suscipiendos preparare se queant. Secunda precipuas industrias & Exempla, quibus optimi quique Zelosissimi Sacerdotes suam, suorumque subditorum salutem ad Majorem DEI Gloriam promoveri studuerunt, exarrabit. Tertia tandem malorum Sacerdotum infelices exitus, pœnasque referet, ut, qui se honorum Sacerdotum exemplis, præmissisque trahi ad emulationem non sinunt, timore saltem suppliciorum sceleratis Sacerdotibus imminentium coërceantur, atque ad remedia, que eundem in finem in hac parte præscribentur, adhibenda radicesq; quas assigna vero, efficaciter extirpandas excitentur. Faxit DEUS, ut eadem, quæ priores meas Instructiones amplexi sunt, alacritate ac benevolentia etiam hanc suscipiant, & optatos ad omnem honestatem sectandam, vocationemque suam perfectissime adimplendam stimulos cum insigni suo, & ovium sibi commissarum emolumento concipiant.

Quia vero à pluribus Sacerdotibus rogatus sum, ut compendium Ritualis eos precipue ritus, qui pro quotidiano Sacramentorum & Sacramentalium administratione præscripti sunt, juxta morem quarundam Diœcesium colligerem, etiam hoc obsequium eisdem denegare nolui, ita tamen memoratum compendium Instructioni huic annexens, ut pro libitu illud ab eadem separare, & seorsum usurpare possint. Sequenti mense etiam Bibliotheca Manualis copiosum pro concionibus formandis apparatus magno volumine complectens eisdem à me offeretur.

INDEX